



Universitätsbibliothek Paderborn

**Praxis Cvræ Pastoralis Præcipve Circa Repentina &
Generaliora**

Possevino, Giovanni Battista Bernardino

Coloniæ Agrippinæ, 1645

Capvt V. Confessarius sollicitè aduertat, ne quem absoluat qui gratiæ Dei
sit incapax.

urn:nbn:de:hbz:466:1-42220

etare, tam per actiones corporis, quam cordis. Dixi studio & datâ operâ, eò quod malæ cogitationes, quæ nobis induit, illubentibus, & non totaliter aduententibus & reflectentibus adueniunt, nequaquam sunt peccatum, aut saltem non sunt mortale.

Denique requiritur quoque, ut pœnitens alienorum se peccatorum accuset, idq; ad exemplum Dauidis: si enim malo suo exemplo, aut aliter, quem piam ad peccandū pelleterit, culpa reus est, & hoc ipsum propriè appellatur scandalum, attamen econtra pœnitens inhibendus & impediendus est, ne suos in peccato complices, socios & cooperatores nominet aut detegat, quantum quidem fieri potest.

C A P V T V.

*Confessarius sollicitè aduertat, ne quem absoluat
qui gratia Dei sit incapax.*

Videat deinde Confessarius, num pœnitens absolutionis accipiendæ sit capax; nam hæc certis quibusdam hominibus impertienda non est, quorum hic aliquot vobis genera recensebo, è quibus reliqua, quæ eiusdem notæ sunt, facili negotio colligetis. Tales sunt:

Primò, qui excommunicatione maiore & reseruata innodati sunt: quos sine auctoritate superioris Confessario illicitum est absoluere; nisi forte illa huic reseruata non esset.

Secundò, qui aliquid habent peccatum Pontifici aut Episcopo reseruatum, sine illorum negeunt auctoritate absoluī: remittendi ergo sunt ad eos, qui absoluendi potestatem habent, aut

aut exspectare iubendi, quoadusque (si facilè fieri id potest) ea sit impetrata.

Tertiò, falsarij, falsi testes, fures, usurarij, bonorum, titulorum, iurium, & honorum alienorum usurpatores ac detentores; detentores item legatorum piorum, eleemosynarum, primatarum, decimatarum, litium falsarum patroni aut tentatores, iniqui calumniatores, detractores, & in genere, quotquot in proximum noxijs & iniurijs sunt, absolui nequeunt, nisi quam fieri potest optimè, iniuriam & noxiam reparant, aut saltē reipsa se reparaturos promittant.

Quartò, coniugati, qui ob dissensionem aliquam à se inuicem disuncti viuunt, aut coniugij debitum reddere detrectant absolui nequeunt, quamdiu in maligna adhuc voluntate & intentione perseverant.

Quintò, Ecclesiastici qui malis artibus aut vijs sua beneficia adepti sunt, aut qui plura incompatibilia sacerdotia sine dispensatione legitima possident, aut qui sine sufficienti & legitima causa in Ecclesia sua non resident, aut quibus solemne est Horas Canonicas non recitare, nec Sacerdotum ritu vestiri, absolui prorsus non debent, nisi remedium se adhibituros, & omnes hos defectus emendaruros promittant.

Sextò, concubinarij, adulteri, ebriosi absolui non debent, nisi summum concipient & faciant propositum, non solum peccata sua relinquendi, verum etiam occasiones eorumdem: concubinarij quidem ac adulteri suas focarias & pellices, quas à se remouere & ablegare debent; ebriosi vero cauponas, blasphemilusum; quod intel-

intellige de ijs qui quandam horum peccatorum admittendorum usum ac consuetudinem iam assumpsere: itaque saepius in illa recidunt.

Septimò denique, dissidentes ab iniicem inimici, qui aliquo odio, raucore, inimicitia æmulum prosequuntur, absolutionis non sunt capaces, nisi ex sua parte velint ignoscere, & cum inimicis suis in gratiam redire.

C A P V T VI.

Quomodo restitutio & reparatio bonorum & honoris alieni pœnitentibus persoluenda sit.

Vbi ergo Confessarius conscientiæ pœnitentis sui statum probè perspectum habuerit, id constituere ac disponere ipse à parte sua debet, quod ad illum gratiæ diuinæ capacem reddendum requiri, ac necessarium esse videt, tam circa ea quæ ad honorum alienorum restitutionem, & grauaminum, damnorum & iniuriarum, quæ commisit, reparationem spestant, quam ea quæ ad vitæ eius emendationem & peccandi occasionum fugam allegationemque requiruntur.

Quod autem ad reparations & restitutio-nes proximo faciendas spectat, inquirenda ratio est (siquidem fieri potest) ut illæ ita clanculo & secretò fiant, ut pœnitens nullam inde infamiam contrahat. Vnde, si res sit furto sublata ipsa est aut propria restituenda, aut aliud ei æquivalens, idque per aliquem discretum vi- rum, qui restituentem nec nominet, nec aliquo modo indicet, si falsi sit criminis accusatio aut simulatio, magna dexteritate procurandum est, vt